

Stortinget peikar på Ryfylke

Utdannings- og forskingskomiteen på Stortinget ber Kunnskapsdepartementet bidra til realiseringa av pilotprosjektet MOR (Motivasjon, opplæring og rettleiing).

Det blei slått fast i samband med behandlinga av statsbudsjettet denne veka. Sauda og Strand vidaregåande skular står saman som regionale kompetansesentra for Ryfylke. Fylkestinget har invitert regjeringa til å bidra til å realisera pilotprosjektet.

No kvitterer ein samla *utdannings- og forskingskomité* invitasjonen ut og ber;


„departementet vurdere hvordan det kan bidra til å realisere pilotprosjektet - ”Motivasjon, opplæring og rettleiing (MOR) i Ryfylke, som ledes av Høgskolen i Innlandet...”

(Prop. 1:2019, Kunnskapsdepartementet kap. 258 - Tiltak for livslang læring)

Ein nøgd rektor ved Sauda vgs, Oskar Waage-Pettersen, er glad for vedtaket i Stortinget.

I samarbeid med Institutt for sosialfag og veiledning ved Høgskolen i Innlandet har me forma prosjekttalen; (<http://sauda.vgs.no/Kva-skjer/Stortinget-peikar-paa-Ryfylke>). Den er sett og forstått, og målet nå er å hauste praktiske erfaringer om Livslang læring med føringer frå Nasjonal kompetansepolitisk strategi 2017–2021.

Prosjektperioden er tre pluss eitt år med ei total kostnadsramme på 24,5 millionar kroner. Rogaland fylkeskommune er prosjekteigar.



Prosjektet sine kjenneteikn er:

- innovativt
- omvendt tilnærming
- samhandling
- samskapt læring
- vidaregåande skule i ny rolle
- brukar/individ i sentrum
- skule, arbeidsliv, institusjonar, organisasjonar
- ny arbeidsform

Ei hovudmålsetting er at ny kunnskap og nye erfaringar skal bli til ved samskaping og samhandling og formidla mellom bedrifter, organisasjonar, brukarar og kunnskapsinstitusjonar. Denne tilnærminga og breie involveringa styrkjer arbeidslivet og dermed samfunnet.

Det er sett ned eit eige råd som har slik samansetting: Fylkesvaraordførar (leiar) Marianne Chesak, opplæringsdirektør Joar Loland, studieleiar ved Høgskolen i Innlandet Erik H. Haug, avdelingsleiar ved Sauda/Strand vgs Helge Malmberg, leiar LO Rogaland Eirin Sund, tidlegare leiar UNIO Anders Folkestad, strategidirektør Eramet Norway Kåre Bjarte Bjelland, økonomi og personalansvarleg i Comrod Kari Eie Duestad og seniorrådgjevar i NAV Rogaland Truls Nordahl.